



— Тагин бошқалар лоф уряпти, деб ўйлашмасин-у. «Постда» ҳаётимнинг ажралмас қисмига, суянчигимизга айланиб қолди.— дейди Зомин тумани ИИБ қошидаги кўриқлаш бўлими ходими милиция сержанти Мирзабой Нушаров.— Авваллари хизмат даврида бирор қонунбузарликни фош этиш жараёнида хиёл бўлсада, иккиланардик. Чунки сир эмас, рақибларимиз кўпинча томири бақувват кимсалар бўлишади. Айниқса, қишлоқ шароитида анчайин бир ўғрини тутсангиз ҳам, секин-аста казо-казолар бурун суқишарди. Энди эса бундай воқеалардан мутлақо чўчимайман. Бизни ҳимоя қиладиган ўз рўзномамиз бор.

Фурсатдан фойдаланиб, уларнинг баъзилари билан қисқа муддат суҳбатлашишга қарор қилдим.

— Кечирасиз, сизни қардадир кўргандекман...

— Бўлиши мумкин, тракторчи Нуриддин Шодиевман.

— «Постда»ни ҳам сотиб олибсиз?

— Жуда қизиқарли газит бу, ака, бирорта сонини ўқимасам, уйқум келмайди. Айниқса, 8 март кунги сонини зўр чиқибди. «Орзудаги оқ тулпор» номли мақолани қайта-қайта мутлақа қилдим.

— Баҳоси қимматроқ эмасми?

— Ҳозир нима арзон, ака? Бу-ку бир сўм экан, ундан кўпроқ бўлса ҳам ба-

битта сонини қўлимга олдим-у, кашандага ўхшаб қолдим. Нашандалар чекмас туролмайди. Мен ҳам ўқимасам, бирор нарсасини йўқотган одам ҳолига тушаман. Айтмоқчи, «Улар севишган эди» деган мақолага кўзингиз тушди? Бу даражадаги вақшийликка биринчи бор дуч келишим.

— Баҳоси ошганлиги учун муносабатингиз ўзгармайдими мабодо?

— Ие, нима деясиз ўзи? Наҳотки, ўзингиз яхши кўрадиган газитдан оладиган маънавий озуқани пул билан ўлчаб бўлса? Агар рўзнома ўзи танлаган йўлдан оғишмай бораверса, муносабатим бошқача бўлмайди.

Шу тариқа сотувчига яқинлашиб қолдим. Уни боя

РЎЗНОМА ВА РЎЗНОМАСЕВАР

ИХЛОС-ЛА ЎҚИЙМИЗ, ДЕЙИШЯПТИ

Мана, сеvimли «Постда» рўзномамиз узоқ йиллик танаффусдан сўнг иккинчи йили фаолият кўрсатяпти. Шахсан мен унинг қайта тикланганидан гоят сеvimган эдим ва дастлабки пайтлариданоқ ўз материалларим билан мунтазам қатнашиб келяшман. Тўғриси айтганда, ўзимни «Постда»нинг Зомин туманидаги бир вакилидек ҳис қиламан. Шу боис Мирзабойнинг сўзларидан бир олам завқ туйдим. Аммо ана шу хурсандчилигимнинг бир учи кемтик. Нега деганда, бу суҳбатдошим милиция ходими, оддий фуқаролар сафидаги мухлисларимиз қандай фикрда эканлар? Қолаверса, кеч бўлсада, барибир рўзнома баҳоси қимматлашди. Бу ўқувчиларнинг муносабатига татсир этмасмикан?

Ана шу саволларга жавоб топиш мақсадида туман марказидаги «Союзпечать»нинг биринчи дўконига бордим. Эрталаб соат 10.00. Минжозлар турнақатор. Сотувчи Рўзигул Ғоибназарованинг қўли-қўлига тегмайди. Мен ҳам навбатга турдим ва унинг иш жараёнини эсимдан кузата бошладим. Яна дилим ёришди. Чунки «Спорт», «Туркистон», «Ойла ва жамият» каби обрўли рўзномалар қатори «Постда» ҳам тез сотиларди. Чиндан ҳам унинг ихлосмандлари мен ўйлагандан кўп экан.

рибир олавераман.

— Кечирасиз, сиз билан ҳам танишсам дегандим.

— Ҳосилбек Бойтўраев, ҳайдовчиман. Менинг ҳам «Постда» ҳақидаги фикримни билмоқчидирсиз? Яшириб нима қилдим, яхши кўраман шу газитни. Энг ўткир ва нозик муаммоларни ҳам чўчимай ёзишади.

— Нархи...

— Тўғри, нархи қиммат. Аммо на чора? Илоҳи йўқлигидан кўтаришганда уни. Осонмас, газит ходимларини ҳам тўғри тушуниш керак.

— Мумкин бўлса, сизнинг ҳам озгина вақтингизин олсам.

— Озгина бўлса, майли.

— Исм-шарифингиз?

— Неймат Жайноқов, мен ҳам ҳайдовчиман. Қоракурсок қишлоғида яшайман.

— Сиз ҳам «Постда»нинг доимий мухлисига ўхшайсиз.

— Топдингиз. Тўғриси айтганда, аввал унча аҳамият бермагандим. Ишхонадаги оғайнилар роса мақташди. Уларнинг гапи билан

сизларга таништирган эдим.

— Гапнинг ростини гапирадиган бўлсам, рўзнома сотувда бир сўм қилиб белгилангач, ҳайрон бўлганларни ҳам учратдим.— дейди Рўзигул Ғоибназарова.— Аммо шу кунгача бирорта одам қиммат экан, деб «Постда»ни олмасдан кетиб қолмади. Мана, ҳозиргача 50 дона сотдим. Олишяпти.

— Раҳмат сизга.

— Шошиланг, яна битта гапим бор. Мен рўзнома мухлислари билан доимо тўғридан-тўғри мулоқотда бўламан. Шуни ишониб айтаманки, рўзноمانинг баҳоси оширилганини аксарият тўғри қабул қилди. Ҳатто баъзилар: «Улар қийналиб қолишди, агар ҳисоб рақамларини билганимизда, қўлимиздан келганича моддий ёрдам кўрсатган бўлардик».— дейишяпти. Шу таклифни тахририят ходимларига етказиб қўйсангиз.

Суҳбатдош Илҳомжон ЮНУСОВ.

ТАХРИРИЯТДАН: халқ таъбири билан айтганда, кўрпага қараб оёқ узатиладиган пайт келди. Моддий жиҳатдан қийин аҳволга тушиб қолганимиз боис рўзномаимиз ҳафтада икки марта чиқаришга ва нархини кўтаришга минг истиҳола билан қарор қилдик. Буни мухлисларимиз тўғри қабул қилган эканлар, гоят мамнунимиз. Айни пайтда қўлдан келганича бизни моддий жиҳатдан қўллаб-қувватлаш ниятидаги мухлисларимизга чин дилдан миннатдорчилик билдирамиз. Рўзномаимизнинг ҳисоб рақами 000141879, Банкининг ҳос рақам [код] 172682116, Ўзбекистон Республикаси давлат банки Тошкент шаҳар бошқармасининг ҳисоб маркази.

ЎЗИНИ МУҲОФАЗА ҚИЛИШДАН ЧЎЧИМАСИН

Шаҳар ИИБ ходимлари ўтган йил мобайнида жиноятчилик билан курашни яна ҳам кучайтирдилар. Кейинги пайтларда бир қатор ижобий ишларга қўл уришди. Аммо қурол ишлатиш каби оғир масалада ноаниқлик ҳамон ҳукмрон бўлиб келмоқда.

Ходимларнинг ҳаёти, соғлиги, шайни, қадр-қиммати-га қасд қилган, топтаган қонунбузарларнинг қозилар томонидан енгил жазоланиши масалани чигаллаштирмоқда.

Қаршилиқ кўрсатиш, бўйсунмаслик, ҳақорат қилиш каби фактлар бўйича маъмурий жазога тортиш учун судгача бўлган жараён жуда ҳам мураккабдир. Шу сабабли кўпгина ходимлар ортиқча вақт сарфламаслик, асабларини бузмаслик мақсадида ушбу машмашалардан кўнгилли равишда воз кечишади. Бу эса қонунбузарлар, наинки улар, ҳатто жамоатчилик олдида милициянинг обрўсини бир пул қиладди.

Дўстлик шаҳар ИИБда яқинда ходимларнинг ижтимоий ва ҳуқуқий жиҳатдан ҳимоя қилиниши бора-сида олиб борилаётган ишлар таҳлил қилиб чиқилди.

Ўтган йили 8 та ИИБ ходимларининг қонуний талабларига бўйсунмаслик ҳолати қайд қилинган. Уша шахслардан ундирилган умумий

жарима миқдори 500 сўмни ташкил этди. Милиция ходимига куч ишлатгани ва қаршилиқ кўрсатгани учун бир киши жиноий жавобгарликка тортилди.

Шунингдек, «Туямўйин-гидрострой» автокорхонасида ҳайдовчи бўлиб ишловчи, муқаддам судланган Ўктам Жуманиёзов ва унинг укаси Шавкат 1991 йил 8 ноябрь кунини ушбу вақти Б. Нурметовга енгил танжароҳати етказдилар. Бу масала юзасидан тўпланган материаллар шаҳар прокуратурасига юборилди. Ҳозирги вақтда жиноят иши қўзғатилиб, тергов ҳаракатлари олиб борилмоқда.

Осойишталик посбонларининг талабига бўйсунмаган, ҳурматсизлик қилганларнинг 40 фоизи ҳеч қарда ишламайдиганлардир.

Юқоридагилардан кўри-ниб турибдики, ходимларимизнинг ижтимоий ва ҳуқуқий ҳимояланиши етарли даражада эмас. Уни пухта қонунлар билан мустаҳкамлаш зарур. Мавжудларининг ижросида эса тезкорлик керак. Зеро ҳар бир милиционер жиноятчи билан юзма-юз келганда кўрқмасин, иккиланмасин, ўзини муҳофаза қилишдан чўчимасин.

С. ҚУРБОНОВ,
Дўстлик шаҳар ИИБ бошлигининг ўринбосари милиция майори.



Милиция катта сержанти Эшмурод Бўриев Қашқадарё вилояти ИИБнинг жамоат тартибни сақлаш бўлимида ҳайдовчи бўлиб ишлайди. Энимасига юклатилган масъулиятни виждонан ҳис

қилган Э. Бўриев ўзига биркирилган автоуловни доимо бекаму кўст ишлашига ҳаракат қилиб келмоқда. У милиция аълочиси.

Чори САТТОРОВ олган сурат.

Туманимиз ички ишлар бўлими жиноятчилик ҳамда ҳуқуқбузарликнинг олдини олиш мақсадида шу йилнинг 25 февралидан буён «Комплекс-92» операциясини ўтказмоқда. Унда бўлим ходимлари, кўнгилли халқ посбонлари, жамоатчилик вакиллари милиция ҳисобида турувчилар, ўқотар қуроллари бўлган шахсларни ва қўриқланаёт-

ган объектларни текширишмоқда. Тадбир давомида ўғрилик, оғир жиноятлар сезиларли даражада камай-

фойдаланиш вақтинчалик тўхтатилди. Бу тўғрида юқори идораларга тақдимномалар жўнатилди.

ОПЕРАЦИЯ ДАВОМ ЭТАДИ

ди. 100 дан зиёд халқ ҳўжалиги объектлари кўздан кечирилиб, ённинг олдини олиш чоралари кўрилмаган 3 та объектдан

Операция давомида 5 нафар муқаддам судланган, 4 нафар маъмурий назоратда туриши керак бўлган му-

қаддам судланган, 4 нафар гиёҳванд, 2 нафар руҳий касал, 4 нафар вояга етмаган ҳуқуқбузар, 1 нафар

бола тарбияси билан шуғулланмайдиган, 11 нафар доимий спиртли ичимликлар истеъмол қилувчи милиция ҳисобига олинди ва

2 та ноқонуний сақланган қурол мусодара қилинди. Шунингдек, операция жараёнида 250 дан ортиқ ҳар хил турдаги қонунбузарлик ҳоллари аниқланди.

Ҳозирги кунда операция давом этмоқда. Мақсад — халқнинг осойишталиги ва тинчлиги сақланишини таъминлаш.

Ф. МАЛИКОВ,
Илчи тумани ИИБ бошлиги ўринбосари милиция капитани.

ТАЙИНЛАНУВ

Ўзбекистон Жумҳурияти ички ишлар вазирининг 1992 йил 14 мартдаги буйруғи билан милиция подполковниги **Алишер Аминжонович ШАРИПОВ** Сурхондарё вилояти ички ишлар бошқармаси бошлиғи этиб тайинланди.

ЧЎЛ
БУРГУТЛАРИ

Сув... Инсон ва табиат тирлиги учун, барқ уриб яшашни учун бу камтаргина модда нақадар зарурлигини сўз билан таърифлаш гоят қийин. Шунингдек, буткул жонзотни, ҳўлу қуруқни маҳв эта оладиган ёвуз ва қудратли куч ҳам унинг ўзидир. Зеро, ўт балосидан, сув балосидан асрасин, деб бежиз дуо қилмаган халқимиз.

Мен бутун жумҳуриятимизга маълум ва машҳур Толлимаржон сув омбори қирғоқларида совуқ шамол билан юзма-юз турарканман, беихтиёр шундай ўйлар қуршовида қолдим.

Қақраган чўлу биёбоннинг қоқ ўртасида яратилган, ўз «ховучи»да 1,5 миллиард кубометр сув йиққан Толлимаржон сунъий денгизи Қашқадарё вилоятининг Нишон, Муборак каби кўпгина чўл ҳудудида жойлашган туманларини обихаёт билан таъминлайди. Экин-тикин далагарига, дарахтзорларга тириклик бағишлайди. Лекин юқорида қайд этилгандек, жиловланган, гоят дахшатли офат эканлигини ҳам бот-бот эслатиб туради. Бироқ ваҳимага заррача ўрин йўқ. Чунки Қашқадарё вилоятининг шу овлоқ гўшасида ҳам милиция мундирини кийган, дашт офтобидан, ўжар шамолдан қорайган сергайрат йигитлар хизмат этишади. Улар вилоят ички ишлар бошқармасининг қўриқлаш бўлимига қарашли алоҳида милиция батальони ходимлари бўлиб, шу кун Толлимаржон сув омбори атрофида соқчилик қилишади.

— Зиммамизга хийла оғир вазифа қўйилган,— дейди батальон командирининг ёрдэмчиси милиция катта лейтенанти Нафас Қаршиев.—Биз бундан фахрланамиз. Шунинг учун ҳам йигитларимиз аъло даражада хизмат қилишга интилишади.

Чўл табиати инжиқ ва қайсар. Қаҳратоннинг қаҳрли изғирини, саратоннинг олов сели бу ерларда, айниқса, қутиради. Аммо қўриқчи йигитларимизнинг метин иродаси тобланган. Улар учун нолиш, шикоятбозлик гоят уятли саналади.

Толлимаржон сув омборида еттига насос қурилмалари бўлиб, уларнинг ҳар бири соқчилик бўлиналари томонидан қаттиқ назорат қилинади. Чунки аҳолига, экинзорларга ўз гақтида сув етказиб бериш худди шу қурилмаларнинг мукамал ишлашига боғлиқдир. Шунингдек, сунъий денгизни макон тутган турли-туман балиқлар тўдасини ҳар томонлама муҳофаза қилишни ҳам милиционерлар ўз зиммаларига олишган. Айниқса, балиқлар ўрчидиган пайт уларнинг ташвиши ўн қарра ошади.

— Ғайриқонуний балиқ оловчилар жуда кўп,— дейди милиция сержанти Ҳасан Ражабов куйиниб.— Лекин биз ҳам иложи борида хушёрликни қўлдан бермаямиз.

Узоқ-узоқларга узалиб кетган сув салтанати салобат билан мавжланади. Киши кўнглида улуғвор тугайларни кўзга келди. Инсон қўли билан яратилган бу уммон инсонлар манфаати учун хизмат қилмоғи шарт. Зеро туну кун сунъий денгиз қирғоғида зийраклик билан хизмат қилаётган чўл бургутларининг ниятлари пок. Биз уларга ишонамиз.

Луқмон БУРИЕВ.

Мени «Постда» рўзнома-си мухлислари эълон қилинаётган мақолаларим орқали бирмунча танишса керак. Бир неча йиллардан бери Андижон шаҳар ва вилоят судининг маслаҳатчиси сифатида фаолият кўрсатиб келаман. Ана шу йиллар давомида турли хил қинғирликлар ваҳшийликларга қўл урган жиноятчилар иши билан танишавериб, дийдам қотди. Аммо сеvimли рўзномамизнинг шу йил 5 март кунги сонидан чоп этилган «Алвидо, Раҳматжон!» номли таъзияни ўқиб, чуқур қайғуга ботдим.

Тўғри, жиноятчи билан юзма-юз олишувда ҳалок бўлган бу йигитни авваллари мутлақо танимасдим, билмасдим. Аммо фарқинима? У ҳам сиз ва биз каби бир муштирапар онанинг фарзанди, етим қолган беш боланинг сеvimли отаси эди-ку! Унинг ҳам шу ёруғ дунё лаззатларидан ҳали узоқ вақтлар баҳраманд бўлишга ҳаққи бор эди-ку!

Эҳтимол у ҳам рафиқаси билан бирга шириндан-шаркар фарзандлари камолини ўйлаб, дилига энг эзгу ниятларни жо айлаганди, тўй-томошалар қилиб, оталик бахтининг гаштини охиригача сурмоқни орзу этганди.

Мана, бугун Вали Гафуров исмли бир аблаҳнинг ваҳшийлиги туфайли ана шуларнинг ҳаммаси унинг жисми билан бирга қароер-

ним ҳамда мадорим йўқ.

Аммо...

Аммо бу фалак зарбасидан зада бўлган армонларимни, дардларимни тизгинлай олмайман. Ахир, бундай бедодлик фақат Раҳматжоннинг ҳалокати билан якун топганида қошқи эди! Ваҳшийлар бугунгача ҳам қилгиликларини қилиб келишган, бугун ҳам қилиш-

тажрибаси ошиб қайтиб келади. Ундан сўнг яна бир бечоранинг юрагига пичоқ қадашдан тап тортмайди, чунки одам ўлдириш ундайлар учун чумчуқ сўйишдан да осонроқ ва жўнроқ.

«Постда» рўзномасида кўп марталар баён қилинган мухлисларимиз тақлифларини яна бир бор таъкидламоқчиман. Қачонки ваҳшийлар қилмишига яраша халқ олдида қаттиқ жазоланмас экан, жиноятчиликка қарши олиб бораётган курашларимиз ҳаммаси бекор. Вали Гафуров каби қонхўрларни кўнчилиқ олдида ўлимга маҳкум этиб, жазони ижро этмас эканмиз, ундайлар на милицияни, на суд ва прокуратуранинг икки пулга олмайди. Мустақил жумҳуриятимизнинг мустақил қонунлари тайёрланмоқчи бўлган айни замонда масаланинг бу жиҳатини ёддан чиқариш калтабонликдан ўзга нарса эмас.

Ўктамжон ХОЛИҚОВ.
Андижон шаҳри.

«АЛВИДО, РАҲМАТЖОН!»

га кўмилди. Ҳаммаси саробга айланди.

Мусулмонларда бир одат бор. Бошга ниманки тушмасин, ҳаммасининг сабабини яратганининг амридан қидирамиз. Пешонасига шу битилган бўлса, на илож деб ўзимизни овутамиз. Бугун мен ҳам дилим нечоғлиқ вайрон бўлсада, марҳумнинг туғишганларига ҳамдардлик билдиришдан, сабртоқат тилашдан ўзга имко-

япти. Афсуски, бизнинг қонунларимиз уларни жиловлаб қўйишга қодир эмас.

Раҳматжоннинг азиз умрига тажовуз қилиб, қоранинни амалга оширган каззоб бу сафар ҳам нари борса 10-12 йиллик қамоқ жазоси билан жазоланса керак. Емонга ўлим йўқ, деганларидек, бу муддат ҳашпаш дегунча ўтиб кетади. Қайтанга у сиз ва бизни дахшатга соладиган темир панжаралар ортидан янада



НАФСМИ?

Қосим Чоржўй шаҳрида яшайди. Уша ердаги ширкатда ишлайди. Ширкат қурмагур ажойиба. Хоҳласанг ишлайсан. Зарурат туғилса, бормасанг ҳам бўлаверади. Лекин у ерда ишлаётганига ҳам кўп бўлгани йўқ. Етти йиллик қамоқ жазосини ўтаб қайтган, ширкатда икки ой ишладими-йўқми Тошкентга йўл олди. Бу ерда эса эски танишлари билан учрашувни ювди. Маст бўлган, эски хўнарлари кўзиб қолди. Шериклари билан Д. Олимовнинг хонадонига ўғрилиққа тушишди. Уни 45230 сўмлик (эски нархда) буюмларга чўл тушириб, ғойиб бўлдилар.

Ленин тумани ИИБ ходимлари «меҳмон»ни ҳам мезбон ҳамтовоқларини ҳам қўлга олдилар.

Мана Қосим яна бир неча йиллик тутқунлиққа ҳукм ҳам этилди. Лекин уни бунга тортаётган нарсанимиз экан-а? Худбинлиқми, нафсми, жаҳолат?

М. ИСРОИЛОВА.

Тергов ишларини тез, сифатли олиб боришда ва жиноят изини топишда ҳамкорлиқнинг тутган ўрни каттадир.

СУРАТДА: Тошлоқ тумани ИИБ терговчиси Абдуҳошим Эргашев ва ДАНБ инспектори милиция катта лейтенанти Қодиржон Нўлбарисов содир этилган йўлов ҳодисаси тўғрисида фикрлашмоқдалар.

А. НАЙМУШИН олган сурат.

Бекпўлат ўртоғи билан (мардикорчиликдан қайтаётганди). Вақт ҳам алламақал бўлиб қолган. «Ява» елдек учиб борапти. Бўғини сўрасангиз, унинг давлат рақами ҳам йўқ. Умуман олганда бор, лекин ўзиники эмас. Бекпўлат кўчадан топганми, ишқилиб 24-54 ХЗЛ рақамини тақиб юрган. Уни шунчаки безак, деб ўйлаган

ИШ КЎЛАМИ КЕНГАЙМОҚДА

Вилоятимиздаги давлат ва фуқаролар мол-мулкни асраш вазифасини Андижон вилояти ИИБ қошидаги қўриқлаш бўлими олиб боради. Аммо таъкидлаш лозимки, сўнгги йилларда иш кўлами янада кенгайди.

1991 йилнинг 9 август кунини тунги соат 00.30 да Андижон шаҳар савдо идорасига қарашли 1-дўкондан хабар тушди. Навбатчи М. Валиева уни қабул қилиши биланоқ қўлга олиш гуруҳини воқеа жойига жўнатди.

Этиб келган милиция лейтенанти К. Насриддинов, милиция сержанти М. Муҳаммадминнов, ҳайдовчи Т. Зулқоровлар жиноятчиларнинг бирини дўкон ичидан, иккинчисини чордоқдан ушлашди. Маълум бўлишича, 50 минг сўмлик товарларни ўмаришга бел боғлаган И. Раҳимов ва О. Иминовлар трикотаж фабрикасининг бўёқчилари экан.

1992 йилнинг 1 январидида шаҳардаги 85-тижорат-восита дўконига тушган Д. Насриддиновнинг ҳам ишгаҳаси ёмон эмаскан. Уни милиция старшинаси Б. Солиев, милиция катта сержанти Ф. Аҳмедов, милиция сержанти Х. Зоҳидов, милиция кичик сержанти Р. Юсуповлар қўлга олишди.

Бундай мисолларни кўплаб келтириш мумкин. Қўриқланаётган объектларда ўғрилиқнинг олдини олиш борасида бўлишимиз томонидан бир қанча ишлар амалга оширилмоқда. Бундан ташқари тушган хабар асосида қандай ҳаракат қилиниши бўйича амалий-ўқув машғулотлари мунтазам йўлга қўйилган. Объектлардаги аппаратлар ва техник жиҳозларнинг узлуксиз ишлашини таъминлаш мақсадида ҳар ойда электрчилар, созловчилар билан дарс ўтказилади.

Ҳозирги кунда вилоятда халқ хўжалигининг 1527 объекти қўриқланмоқда. Ушбу объектларда ташвишгоҳнинг янги воситалари, қўриқлашнинг кўп тармоқли қурилмалари ўрнатилган ва ўрнатилмоқда. Андижон шаҳрида, Избоскан, Балиқчи туманларида янги пульта ташкил этиш кўзда тутилмоқда.

О. МАМАСОЛИЕВ,
милиция полковниги.

ҚУМГА КЎМИЛГАН «ЯВА»

бўлса ҳам, ажаб эмас. Хуллас, кетиб боришаётганди. «Победа» жамоа хўжалиги ҳудудида тўсатдан йўлга бир қизалоқ чиқиб қолди...

Воқеа жойига зумда етиб келишган Хонқа тумани ИИБ ходимлари қидирувни бошлаб юборишди. Жиноят

уч кун деганда очилди.

Бекпўлат ўртоғи билан шу қочишда «Ява»ни олиб бориб, қўмнинг остига «кўмин» қўйишди. Бу билан барибир изни яшириб бўлмас экан. У 7 йилга озодликдан маҳрум этилди.

Саъдулла БОБО.

ПАСПОРТИНГИЗНИ АВАЙЛАНГ!

Бешариқ — Фарғона вилоятининг йирик туманларидан бири. Аҳолиси ҳам кўп. Шу боис бу ерда осойишталикни таъминлаш осон эмас. Аммо ички ишлар бўлими ходимлари давр руҳини чуқур ҳис қилган ҳолда халқ билан тобора жипслашишга ҳаракат қилмоқдалар, фуқаролар ўртасида милициянинг обрў-эътиборини кўтаришга интилоқдалар. Бу энг аввало ҳар бир хизмат вакиллари зиммаларидаги топишиқни сидқидилдан адо этаётганликлар билан изоҳланади.

Келинг, биргина паспорт столи хизматини олиб кўрайлик. Бу соҳа ходимлари ўтган йил давомида 16 ёшга тулганлиги, фуқаролик ҳолатини қайд қилиш ҳақидаги ёзувларда ўзгартиш бўлганлиги ёки паспортни яроқсиз ҳолга келиб қолганлиги учун фуқароларга 5 минг 568 та паспорт бердилар.

Туман ҳудудида паспорт интизомига бўйсуниниши ўрганиш ҳақидаги тадбирларга барча ходимлар жалб этилди. Текширувлар натижасида 2 минг 29 та паспорт қондабузарлари аниқланиб, уларга маъмурий тартибда чоралар қўрилди. Шу билан бирга аҳоли ўртасида паспорт қондалари ҳақида кенг тушунтириш ишлари ҳам олиб борилоқдаки, бу борада катта участка вакили М. Исмомлов, участка вакилларида В. Маматқулов, И. Вўриев, милиционерлардан М. Холтўраев, К. Отабоев, паспорт столи ходимларидан К. Маҳмудов, М. Ғозиевалар фаолияти ҳар қанча маътовга-лойиқдир.

Лекин шунга қарамай асосий ҳужжат бўлиш паспортга эътиборсизлик билан муносабатда бўлоқдалар. Масалан, юқорида қайд қилинган 2 минг 29 нафар паспорт қондасини бузганлар бе-

фарқлигини таҳлил қилиб кўрайлик. Булар асосан 25 ва 45 ёшдаги фотосуратларини ёпиштирмаганлар, япаш жойларидан рўйхатдан ўтмаганлар, бефарқлик туфайли паспортини яроқсиз ҳолга келтирганлар ёки йўқотганлар. Айниқса, паспортини йўқотганлар сонини кундан-кунга кўпайиб бормоқда. Мисол учун ўтган йил давомида ИИБга паспортини йўқотганлик ҳақида 318 та ариза тушган бўлса, бу йилнинг январь, февраль ойларида 55 киши мурожаат қилди ёзма равишда. Булар Яккатут қишлоғидан Ж. Эшонқулов, Узун қишлоғидан М. Мамажонов, Қорамулла қишлоғидан А. Давронов, Қашқар қишлоғидан М. Хурсаналиев, Иттифок қишлоғидан И. Матмусаев ва бошқалардир. Паспорт — бу фуқаролар шахсиятини аниқловчи муҳим ҳужжатдир. Шунинг учун уни эҳтиёт қилиш лозим.

Тошпўлат АБДУРАСУЛОВ,
Бешариқ тумани ИИБ паспорт столи катта инспектори.

Тахминан соат 16 ларда Бекобод тумани ИИБ навбатчилик қисмига қўнғироқ бўлди. Тинчлик посбонларини бевозта қилган одам Ленин номли жамоа хўжалигининг 3-участкисида истиқомат қилувчи, 20-хўжаликлараро механизациялашган кўчма колоннада ишловчи Расул Абдуллаев экан.

— Ҳозиргина «ВАЗ-2101» белгилли оқ машинада номаълум тўрт киши менга ҳужум қилди. Улар қирқма милтиқ билан дўқ уриб, 2000 сўм талаб этишди. Шунча пул менда йўқлиги учун беролмадим. Аммо улар хоҳлаган пайтда келиб қолишлари мумкин. Ёрдамларингизга муҳтожман, — деди у.

Ана шу хабардан кейин зудлик билан оператив-тергов гуруҳи тузилди. Унга 12 киши киритилди ва ички ишлар бўлими бошлигининг оператив ишлар бўйича ўринбосари милиция майори Қудрат Муҳамедов раҳбар этиб тайинланди. Жабрланувчининг уйда жиноят



қидирув бўлини маси ходимлари томонидан кечасио кундузи навбатчилик қиладиган пост ташкил этилди. Улар қаллоблар аҳамият бермайдиган, аммо яқин жойларга биқиниб олдилар.

Эртаси кун навбатчиликка бўлим раҳбарияти томонидан бошлиқнинг тергов бўйича ўринбосари милиция капитани Акбар Мунавваров масъул эди. Кечга томон у гуруҳ аъзолари нима-ларга аҳамият беришлари кераклиги ҳақида йўл-йўриқ кўрсатди. Ҳамма яна ўз

постиға тарқалди. Осудалик чўкди. Узоқ-узоқларда итларнинг ҳуришио мол-қўйларнинг аҳён-аҳёнда маърашини ҳисобга олмаганда, тик этган товуш эшитилмади. Қишлоқ аҳли ўз ташвишлари билан банд, ҳар ким ўз уйда ғимирлайди. Улар учун мутлақо сир бўлган жойларда эса милиция ходимлари нафас чиқармай пойлоқчилик қилишмоқда.

Соат 20 ларда таъмагир-қароқчилардан бири келди. Расул Абдуллаев уни та-

ниди ва ваъда қилинган пулни узатди. У қўзлари олакула бўлганча пулни олган ҳам эдики, сездирмай яқинлашган ЖҚБ опервакили милиция капитани Ҳафиз Каримов ва участка вакили милиция катта лейтенанти Абдурашул Сатторовлар шердек ташланиб, қўлини қайирдилар. Изқувларларнинг темир панжаларидан чиқолмай силтанаётган кимса Бўка туманида яшовчи, 1960 йилда туғилган, «Қўқорол» пахтачилик давлат хўжалигида ижарачи бўлиб ишлайдиган Шаҳобиддин Бозорбоев бўлиб чиқди.

Уни туман ИИБга олиб келишди. Сўнгга товламачиларнинг қолганларини аниқлаш ва қўлга олиш борасида пухта режалар тузиб олинди. Ана шу режаларга асосан оператив-қидирув ишлари олиб борилди. Натижада рожетчилар гуруҳининг бошлиғи бўлмиш 1964 йилда туғилган Жамолдин Мирзааҳмедов, аъзолари 1970 йилда туғилган Расул Дўрмонов ва 1967 йил-

да туғилган Бахтиёр Жияновлар ҳисбага олинди. Уларнинг ҳаммаси Бўка туманидаги Ленин номли жамоа хўжалиги ҳудудига истиқомат қиларкан. Бахтиёр Жияновнинг уйи тинтув қилинаётган чоғда эса жабрланувчиларга даҳшат солган қирқма милтиқ топиб олинди.

Дастлабки тергов жараёнида аниқланишича, улар тўрттовлон худди шу тартибда бир бечоранинг 2000 сўм пулини ва «ВАЗ-2106» белгилли М 25-78 ТШ рақамли автомашинасини тортиб олишган. Жабрланувчи ҳуқуқ-тартибот идораларига шикоят қилавермагач, оператив-қидирув гуруҳи томонидан тортиб олинган қирқма милтиқ билан қўрқитиб, яна 2000 сўм талаб қилишган. Агар шу пулни берса, машинасини қайтаришларини ҳам қистириб ўтишган.

Йўқ, бу сафар уларнинг макри ҳам, қирқма милтиқ ҳам иш бермади.

Алп ӨРДОН.

ЗАРДАЛИ МАКТУБ

ЯРАШМАБДИ

Мен рўзноманинг шу йил 18 февралда босилган «Аммо»да гап кўп» мақоласи ҳусусида тўхталмоқчиман.

Ушбу мақолада Зомин тумани ИИБ ИЖК бўлини маси бошлиғи милиция майори У. Умнаткулов билан қилинган суҳбат берилган.

Суҳбатда айтилишича, У. Умнаткуловлар жуда «қаттиқ» ишларни амалга оширишган. Чайқовчилар, ашаддий чайқовчиларни фош этишган. Ашаддий чайқовчиларнинг бири ароқ, бири сигарета ва лампочка сотаркан.

Аммо чет эл кийим-кечаклари, электр товарлари, радиоаппаратура, дори-дармон ва бошқа қиймати 2000 сўмдан ортиқ маҳсулотлар билан чайқовчилик қилаётган «ишбилармон»ларни қўлга тушириб мақтанса—ярашарди. Чайқовчилар уларни қаердан олишмоқда? Ана шу саволга жавоб бериб, чайқовчиларни таъминлаб турган кимсаларни ҳам жавобгарликка тортиганда, бошқа гап эди.

Д. ОХУНЖОНОВ.



Бухоро вилояти ички ишлар бошқармаси жиноят қидирув бўлимининг ўта муҳим ишлар бўйича оператив вакили милиция подполковниги Шомурод Хўжаевга хизмат юзасидан вилоятнинг турли нуқталарида бўлишга тўғри келади.

Бу гал содир этилган оғир жиноятни фош этилишида амалий ёрдам кўрсатиш учун Ғиждувон тумани ички ишлар бўлимига қақаришди.

СУРАТДА: Шомурод Хўжаев (ўнгда) Ғиждувон тумани ИИБ жиноят қидирув бўлини маси бошлиғи милиция катта лейтенанти Комил Халидов ва бўлимининг оператив ишлар бўйича бошлиқ ўринбосари милиция капитани Хайрулла Шариповлар билан жиноятчининг тутини режасини тузиш пайтида.

Е. ЗУЕВ суратга олган.

ҒИЛДИРАКФУРУШЛАР

Ғанишер ҳунар-техника билим юртида ўқийди. Зоҳиджон эса ҳеч қаерда ўқимайди ҳам, ишламайди ҳам. Бу иккала йигитча кечалари санқиб юришни хўп одат қилишди. Ҳатто уйларига икки-уч кунлаб бормайдиган қилиқ ҳам чиқаришди. Оқибатда...

Ноябрь ойида Ҳуснобод қишлоғилик Аҳмаджон аканинг уйига кириб, машинасининг ғилдирагини ечиб чиқаришди. Урганган қўнғил кўп ўтмай кечаси яна шу хонадонга етаклади. Уларнинг излари совушга улгурмасдан шўрпешона машина иккинчи «оёғи»дан ажралди. Омад келса, иштаҳа шундай очиларканки, асти қўйверасиз. Йигитлар шу туғнинг ўзидаёқ Машрабжоннинг ҳовлисиға ташриф буюришди. 30 килограмм бодом, «Рига» велосмотори, 8 жуфт каллиш ҳамда 2 жуфт маҳсини ўмаришди. Салмоғи оғирлашган юкка икки марта овора бўлмаслик учун қўшинининг велосмнелдига ортиб қўй қилишди. Шунга айтсалар керакда: «бир ўқ билан икки қўбини уриш», деб.

Ўлжалар Бағдод ва Қўқон бозорларидан сотилди.

2 январь кечаси икковлон Шўрқиллоқдан иккита, Қирқиболдидан битта ғилдирак ўғирлашди. Кейинчалик Ғанишер дўстини ўзи «таълим» олаётган билим юртига олиб келди. Ўқитишга эмас... Иккаласи туғда хазинахонанинг деворини бузишди, катта пул илнинида ичка-

рига қадам ранжида қилишди. Тажриба камлиғи шу ерда панд берди. Қанчалик уринишмасини, темир санқини очилмади.

Қўлини бурнига тиқиб қайтган Ғанишер ўзини бошқа ердан олди. У ўзининг синалган «касиби»ни ишга солиб, ҳамқишлоғи Мирзаумар уйдан 4 қоп, жами 77 килограмм бодомни ўғирлаб кетди.

Бировга тегишли буюмин кўрса, кўзи ўйнаб, қўли қичийдиган дарду бедавога учраган Ғанишер ҳар қандай уяту орномусини йиғиштириб қўйди. Беҳаёлик уни шу ерлик 108 ёшли Қўлқинисо буюмининг қулбасига етаклади. Қораси ўчгач, табаррук ёшли онахон қора кўнларига атаб қўйган 30 килограмм бодом ва 7 метр баҳмал гумдон қилинганни сезилди.

Ажабланирлиси шундаки, иккиси ўғрилиқ молларни тушунган кишиларга арзон-гаровга сотиб юришган. Бирор кимса: «Ҳой, йўқчилик пайтида нега сувтекинга пуллаялсан?» — демаган. Аксинча омади чопганидан лаб-лунжини йиғиштиролмади сўралган пулни узатаверган. Ҳатто Зоҳидга тарбия берган ўқитувчиси ҳам ундан 200 сўмга битта ғилдирак олган. Иккинчиси эса текинга. Наҳотки, улар бу йигитларнинг ғилдирак заводи йўқлигини билишмасе? Вилинган...

Бу жиноятлар очилиб, иш судга юборилди.

М. ИСОҚОВ,
милиция капитани,
Бағдод тумани.

СИГИР ЕТАКЛАГАН ХОНИМ

Аёл! Аслида шу сўзнинг ўзи оналаримизга, опа-сингилларимизга берилган мукофотдек жаранглайди. Қандай ёқимли ва муътабар сўз.

Ҳар биримиз ҳам аёлларни қадрлашга, эъзозлаб, ҳурматларини жойига қўйишга одатланганмиз. Айниқса, улар ҳомиладорлик пайтида янада кўпроқ ҳурмату меҳрибончилигимизга сазовордирлар. Чунки биламизки, бу ҳаракатимиз туғилажак янги инсон камолоти учун ўта муҳимдир.

Аммо ҳар нарсанинг ҳам чеки бўлиши керакда. Мария Аҳмедова 24 март кунини ўғли Рустам билан Косонсой шаҳрига бориб келмоқчи бўлди. Рўзгор-ғор, деганларича бор. Ҳали у керак, ҳали бу. Вазорга бориб, керакли нарсаларни харид қилиб келмаса, иложи йўқ.

Автобусда йўлга тушишди. Баҳорнинг майин шабадаси киши руҳиятига аллақандай енгиллик бағишлайди. Янги майсаларнинг хуш бўйи эса дилни яйратади. Мазал!

Она-бола гаплашиб, «Партия XXII съезди» давлат хўжалиги ҳудудига етиб келишганини сезмай қолишди. Кенг ўнгирда моллар ўтлаб юрганини кўришди. Оқ ранглиси бир пайтлар ўзи боққан сигирга жуда-жуда ўхшаб кетаркан.

— Шофёр, автобусни тўхтатинг, биз тушиб қоламиз! — деди Мария кутилмаганда ҳовлиқиб.

Шу пайтгача бамайлихотир ўтириб келган; тушишни ҳаёлига ҳам келтирмаган аёлнинг фавқулоддаги, таҳликасидан бошқалар ҳайратда қолдилар.

Катта йўл чеккасида тўхтатан автобус аёл ва болани қолдириб, яна елиб кетди.

Мария бояғи оқ сигирга яқинлашди. Чўнтагидан нон олиб узатди. Говмиш узун тилини чиқариб, нонни илтиб олдида, ямлаб ютиб юборди. «Яна борми?» — дегандек яланди, оҳистагина маъраб қўйди.

— Жуда чиройли сигир экан, — деб завқланди Мария ва сигирни етаклаб, ўғлига буюрди: — Рустам, орқасидан ҳайда!

Улар шу бўйи говминини Чуст шаҳрига — ўз уйларига олиб келдилар.

— Бу кимнинг сигири? — деб сўради Валижон оғилхонадаги молга боқиб.

Мария ўзи қилган ишни оширмасдан, топширмасдан гапириб берди.

— Бу қин-қизил ўғрилику! — деб бўғилди эр. — Ҳозироқ кўчага ҳайдаб юбор!

Мария айб иш қилиб қўйганини тушунди. Қўзларини ерга қадаб:

— Йўлда икки киши кўрган етаклаб келаятганимни, — деди. — Сўраб келишганда, сигирни ҳайдаб юборганмиз, десак қандай бўларкин?

Орадан бир ҳафта ўтгач, сигирнинг эгаси Алихон Корчев милиция ходимлари билан биргаликда кириб келди. Сир фош бўлди.

— Менинг икки бош сигирим бор, — деди суд мажлисида Алихон Корчев. — Уларни далада боқамиз. Ҳар кунини эрталаб болалар қўйиб келишди, кечгурун эса сигирлар ўзи қайтиб келаваради. Ўша кунини оқ рангли сигирим қайтмади. Меливой деган йигит: «Сигирни рус ёки татар хотин етаклаб кетди» — деганини эшитгач, Чустга келдим. Милицияга хабар бердим. Ниҳоят, ҳалол экан — топилди. Менга етказилган 2 минг 500 сўмлик моддий зарар қопланди. Судланувчига ҳеч қандай даъвоим йўқ.

Ниҳоят, судланувчига ҳам сўз берилди. У ҳам айбига икром бўлиб, бўлган воқеани бошдан охиригача айтиб берди. Қилмишидан пушаймонлигини айтиб, кечирим сўради.

— Тўрт нафар вояга етмаган фарзандларим бор, — деди у кўз ёшларини арта туриб. — Энг кичиги бир ярим ёшда. Устига устам яна ҳомиладорман. Илтимос, гуноҳимдан ўтинглар...

Қисқаси у ЖМнинг 125-моддаси 2-қисми билан айбдор, деб топилди. Мол-мулк мусодара этилмай уч йил муддатга озодликдан маҳрум этилди. Кейин 44-модданинг биринчи қисми қўлланиб, ҳужум икроси боласи уч ёшга тўлгунча кечиктирилди.

Айтинг-айтинг, ўғрилиқка ёки бировнинг молига бошқоронги бўлишдан аёлларимизни асрасинда.

Усмон МУҲАММЕДОВ.

— Биз темир йул ҳарбий қисми жангчилари, — деб эслайди Зинаида Анисимовна Матвиенко, — 1942 янги йилни Украинанинг Путьевая станциясида кутиб олишга тайёргарлик кўрадди. Соат 24 ларга бир неча дақиқа қолганда, станцияда турган «Бронепоезд»даги ички қўшин ҳарбийларидан 4 нафари хонамизга кириб: «Бизни дастурхонингизга қабул қилишингизни сўраб келдик... Қуруқ эмасмиз», — дейишди. Очигини айтганда, биз жуда ҳам хурсанд бўлдик. Шунда мен Тошпўлат деган йигит билан танишдим. Бу жасур, хушчақчақ, ажойиб инсон бир умр юрагимдан жой олди. Аммо эртасига улар қаёққадир кетишди. Уруш-урушда. У ҳақда суриштириб, ҳеч нима билолмадим... Уруш тугади. Мен 1946 йил баҳорида ҳарбий хизматдан юртимга — Смоленск вилоятидаги Осиновка қишлоғига қайтдим.

Кунлардан бирида беҳосдан уйимизга ўша Тошпўлат исмли йигит кириб келди. Мен-ку мен, ота-онам, акаларим, сингилларим ҳам уни ўз яқинларидай кутиб олишди. Тўйимиз шу жойда бўлди. 13 декабрда эса Наманганга келдик. Совуқ, қолаверса, қимматчилик, очарчилик ҳукм сурарди. Меҳнаткаш, чидамли, меҳрибон, ҳамма миллатга бирдай муомала қиладиган халқ менда катта таассурот қолдирди.

Мени эримнинг онаси Чиннихон ая (эндиликда менинг иккинчи онам) ўз қизидай бағрига олди. Тилини, урф-одатларни, йўриқ-йўсинни ўргатди. Онам раҳматли жаннати оналардан эдилар. Бироқ, 1988 йили эрим, кейинроқ у киши ҳаётдан кўз юмдилар. Мана уч ўғилу икки қизли бўлди. Ҳаммаси олий маълумотли. Ўғилларим Валижон, Баҳодир, Собитжонлар ота изида боришди. Офицерлар.

Мен уйимизга яқин жойдаги вино завоидига ишга кирдим. 1991 йилгача ишладим. Эрим фронтда ички ишлар вазирлиги қўшинлари сафида бўлгани учун хизматни ИИБда давом эттирди. Биласизми, ички ишлар бошқармасига бирга борганимизда, ўша пайт-

да жиноят қидирув бўлими бошлиғи Қутбиддин ака Мамажонов очиққўнғиллик билан кутиб олдилар. У кишининг сўзи хануз ёдимда:

— Тошпўлат, мақсадингиз яхши, аммо шундай ҳалол ишлайликки, фахрий бўлганимизда ҳам бизни ҳамма ҳурмат қилсин.

— Тошпўлат Тургунов ҳалол хизмат қилиб, иззат-икром билан фахрийга чиққанлардан бири, — деди Қ. Мамажонов. — Шах-

Абрамович Илизаровнинг биринчи шогирдларидан. Олган билимини, малакасини акаси каби халққа бахшида этмоқда.

... 1951 йил. Тошпўлат Тургунов шаҳар ички ишлар бўлимига хизматга кетаётиб, додлаган товушни эшитди. У девордан ошиб, ўша томонга югурди. Тўрт нафар шахс бир қарияга пичоқ уриб, ёнини тинтув қилишганини кўрди. Тўп-понасидан ҳавога ўқ узди. Бирини ушлади. Отани

икки жиноятчини бир ўзи ушлаб, бўлимга олиб борди.

— Яхши одамни унутиб бўлмайди, — дейди Хусанбой ота. — Бир кун Чорсуда мушгашини бошланди. Тошпўлат ака ўзини ўртага урди. Жанжалкашни ушлади. Бироқ кутилмаганда у милиция ходими юзига мушт урди. 4-5 кишини қўл жангига ҳам енгадиган Тошпўлат ака жавоб қайтармади. Яхши муомала билан уни қовуридан туширди.

Яна бир воқеа ҳеч эсимдан чиқмайди. Бир ёш милиция ходими нонвойларни қуваётганини кўриб, худо раҳмат қилгур унинг олдига борди:

— Ҳа, сен нон емайсанми? Бу қандай қилиқ? Қонунни тушунтиргин вассалом, — деди.

— Кечиринг, тушунмабман, — деди бошини қуйи солган ходим.


— Эрим ўғилларимга онангизни ёлғиз қолдирманглар, доимо ҳаммангиз бир жойда бўлинглар, деб кўп гапирар эдилар. — деб эслайди ая. — Мана беш болам, келинларим бор. 17 неварали бўлсам ҳам, укамиз Неъматилла билан бир ҳовлида яшаймиз. Худога минг қатла шукур, ҳаммамиз аҳилмиз.

68 ёшли украин қизи Зинаида Анисимовнани бугун маҳалла ёшу қариси, қариндошлар, болалари, неваралари Наманган шевасида аба, ача, келинчақ би, хола, деб аташади.

— Мен энг бой, энг хурматли, энг қадрли аёлман. Меҳмондўст, меҳнатсевар, байналмилалчи ўзбек халқини ҳеч унутмайман. Кимки ўзбек шайнига бўхтон тоши отар экан, у софдил халқ разабига учрайди. Украина ва Ўзбекистон — менинг юртим бугунги кунда озод ва мустақил давлатлар. Мен бундан фахрланаман, — деб бу сўзларини ёзишни мендан илтимос қилдилар ажойиб онахон суҳбат сўнгига.

НЕЪМАТЖОН МАМАЖОНОВ, милиция майори.

СУРАТДА: она аъзолари Тошпўлат Тургуновнинг қабрини зиёрат қилмоқдалар.



«БУ ИНСОН, БУ ЮРТ БИР УМР ЮРАГИМДАН ЖОЙ ОЛДИ»

сий таркиб, маҳалла, шаҳар аҳолиси ўртасида катта ҳурмат қозонди. Берилган тошпирқини ўз вақтида, ўрнида бажарган. Софдил, мард ходим эди.

— Менга ўринбосар бўлиб ишлади, — деб эслайди вилоят ИИБ қўриқлаш бўлимининг собиқ бошлиғи милиция подполковниги Аҳмаджон Жўраев. — Яхши инсонларга қандай баҳо берилса, Тошпўлат Тургунов шунга лойиқ милиция ходими эди.

Милиция капитани Тошпўлат Тургунов отадан ёш қолган укаси Неъматилла Тургуновнинг аввал тиббиёт билим юртида, сўнг Андижон тиббиёт олий илмгоҳида ўқишга ёрдам берди. Шу боис Неъматилла Тургунов бугун тиббиёт фанлари номзоди, дунёга машҳур синиқчи Гавриил

шифохонага жўнатди. «Оилангни бадном қиламиз шеригимизни қўйиб юбормасанг», — дейишларига қарамай, бўлимга олиб борди. Кейинроқ шериклари ҳам ушланди. Шу тажовуз бўйича муқаддам юз берган бир неча оғир жиноят очилди. 40 га яқин жиноятчилар қўлга олинди.

Терговда учқўргонлик қария Намангандан мол сотиб қайтаётганда, жиноятчилар пистирмасига дуч келгани аниқланди.

35 йилдан сўнг, 1986 йили, Тошпўлат аканинг ўртанча ўғли милиция сержанти Баҳодир Фрунзе кўчасида — отаси жасорат кўрсатган жойда — фуқаро мулкни ўғрилаб қўйиб бўлмоқчи бўлган, олдинроқ кимё заводидан давлат мулкни ўмариб чиққан

Мен Тошкент вилоятининг Красногорск қўргони ИИБ қошидаги қўриқлаш бўлимида ишлайман. Хизмат қилаётганимга 17 йил бўлди.

Шу йиллар давомида бўлимимиздаги ютуқ ва камчиликлар Янгибод шаҳар ИИБ номидан айтилди. Менимча, бу нотўғри. Ҳар бир бўлим, бўлимани ўз номи билан аташ керак. Демакчиманки, рўзномаларда бизнинг қўргон ИИБ ҳақида ҳеч қачон гапирилмаган. Ваҳоланки, бўлимимизда ҳам ўз ишига пишиқ, моҳир ходимлар жуда кўп.

Масалан, ЖКБ бошлиғи Э. Бегматов, катта терговчи Б. Пирматов, пулт бошлиғи Ж. Абдуқодиров, БЕИН инспектори М. Олимов, А. Денбоевлар.

Шу йилнинг 18 мартда фуқаро А. Мекининдан ўғрилик ҳақида хабар тушди. Навбатчи милиция лейтенанти П. Рискнев, катта сержант Асановлар воқеа жойига жўнадилар. Ёрдамга келган Э. Бегматов, М. Олимовлар суриштирув

ҚИДИРИЛМОҚДА

Тошкент вилояти ИИБ томонидан 1980 йилда Бухоро шаҳрида туғилган хавфли жиноятчи Ҳамроев Мурод Наврўзович қидирилмоқда.

Белгилари: бўйи 170 сантиметр, бурнининг чап тарафида чандиғи бор, бухороча шевада гаплашади. У ҳақда бироя-бир маълумотга эга бўлганлар маҳаллий милиция идораларига ёки Тошкент вилоят ИИБга қуйидаги телефонлар орқали хабар беришларини сўраймиз: 64-84-32, 65-96-53.

Жиноятчини ушлашда ёрдам берганлар 5 минг сўм пул билан тақдирланадилар. Мукофот масаласи бўйича 62-70-51 телефони орқали мурожаат қилишингиз мумкин.

БИЗНИ ҲАМ ЁЗИНГ

ишларини бошлаб юборишди.

Эртаси кун бўлимга 1967 йилда туғилган Р. Ким ва 1968 йилда туғилган Р. Ёдгоровлар келтирилди.


Улар ашъвий далиллар олдида тилларини тишлаб қолдилар.

Фуқаро О. Талановнинг уйини ўмарган шахс ҳам қўргон ИИБ ходимлари томонидан тез фурсатда фош этилди. М. Олимов бўлимга келтирган шубҳали кимса ўғри Р. Миңибоев экан.

Ўғрилардан олинган барча моллар эгаларига қайтарилди.

Ушбуларни ёзишдан мақсадим — қўргон аҳли ўз милициясининг қандай ишлаётганини билсин. Хизматимизнинг машаққатли онларида ёрдамларини аямасинлар.

А. АБДУКАРИМОВ.



Шу йил 1 апрель кунин Тошкент шаҳар Акмал Икромов тумани ИИБ бошлиғининг ўринбосари, эндигона ўттиз беш баҳорни қаршилаган милиция капитани **Николай Антонович РУБЧЕНЯ**

автофалокат натижасида ҳалок бўлди.

Мазкур туман ИИБ шахсий таркиби марҳумнинг оила аъзолари ва яқинларига шу муносабат билан чуқур ҳамдардлик билдиради.

Муҳаррир Зокир ОТАЕВ.

Телефонлар: муҳаррир — 54-37-91, муҳаррир ўринбосари — 39-77-23, муҳаббат бўлими — 59-26-56, 59-20-92, умумий бўлим — 59-21-21.

Обуна рақами — 64615, 44272 нусхада чоп этилди.

Ўзбекистон Жумҳурияти «Шарқ» нашриёт-матбаачилик концерни босмахонаси. 700083, Тошкент, Ленинград кўчаси, 32.

* Кўчириб босишда «Постда»дан аниқлигини кўрсатиш шарт. * Мақолада келтирилган рақамлар, фантлар ва бошқа маълумотлар учун, шунингдек, очилган қилиниши мумкин бўлган маълумотлар учун муаллиф жавобгар ҳисобланади. * Муаллифнинг мулоҳазаси таҳририят фикрига мос тушмаслиги мумкин. * Қўлёзмалар таҳлил қилинмайди ва қайтарилмайди.

СУЗ КЕТИДАН СУЗ КЕЛУР

«МИЛИЦИОНЕР ҲАМ ОДАМ»

Мукаррамхоннинг мақоласини ўқидим-у, худди менинг ҳаётимни, менинг турмушимни ҳикоя қилаётгандек тўлқинланиб кетдим. Турмуш ўртоғим аввал ўрта махсус, кейин олий милиция мактабининг таомлаган. У ҳам қишлоғимизда участкавийлик қилган. Милицияда эса 16 йилдан буён ишлаб келади. Мукаррамхоннинг деярли ҳамма сўзларига қўшилиман. Фақат унга қўшимча қилмоқчиман, холос.

Айни ўйнаб-қуладиган, бошқалар қатори еб-ичиб, кийинадиган давримизга уларнинг ўқишлари тўғри келди. 7-8 йиллаб таълим олди. Бошқаларни билмадим-у, лекин турмуш ўртоғимнинг ўзи ҳам баъзан бундан афсусланиб қолади. Тўғри, билимини оширса, нони бутун бўлади, дейишарди. Афсуски, унчалик эмасга ўхшайди. Мени кечирасизлар-у, олий маълумотли ҳуқуқшунос эртдан кечгача идорада колхоз ҳисобчиларига ўхшаб қороз титиб, қуруқ маош олади, холос. Мукаррамхон айтганидек: «Нони улуг сураси қуруқ». Бизни текин пул топиш тўғрисида ўйлашти, десангиз янглишасиз. Мен ҳам Мукаррамхон каби колхозчи ёки ишчи-хизматчиларига эмас, балки оддий милиционерларга ҳам ҳавасим келади. Чунки уларнинг маоши ўртасидаги фарқ деярли кўп эмас экан. Улар бир сутка ишлаб, икки суткалаб дам олишади. Кўп вақт оила даврасида бўлишади. Уларнинг қўлларида турли хужжат ишлари деярли бўлмайди. Олий маълумотли бўлса, кунни тунга улаб ишлашдан ташқари, бир дам фарзандларини эркалаш у ёқда турсини, ҳатто обуна бўлган газеталарини ҳам ўқиймай, донг қотиб ухлаб қолади. Хоҳ ишонинг, хоҳ ишонманг, болаларимдан бири дадасини бир ойдан бери қўрмаганлигини айтди. Ахир, дадаси улар ухлаганида келиб, ўридан туришмасдан ишга кетади. Мен ҳам тиббиёт ходимаси бўлиб ишлаётганимга қарамадан Мукаррамхондек ҳар йили колхоз даласидан турмуш ўртоғимнинг қўлини тегизмай гўзапола йиғаман. Бутун уй юмушлари менинг гарданымда. Ўтган 16 йиллик иши даврида фақат бир марта янги йилни уйда бирга кутганимиз, холос.

Менимча, милициянинг раҳбарлари уларга қороздагина «ёрдам» беришади, шекилли. 16 йил мобайнида ҳали бирорта раҳбари келиб, бизнинг шаронтимиз билан қизикмаган.

Шунингдек, нима учун ҳамма касб эгаларини ҳимоя қиладиганлар бор-у, милицияда худди ҳаваскорлар ишлаётганидек йўқ. Шундай бўлгач, ким ҳам улар ҳақида астойдил қай-гурарди.

МОҲИРА.

Андижон тумани.

МАНЗИЛГОҲИМИЗ: 700029, Тошкент, Лопатин кўчаси, 1.